



東坡集卷第一

詩四十七首

辛丑十一月十九日既與子由別於鄭州

西門之外馬上賦詩一篇寄之

不飲胡為醉兀兀此心已逐歸鞍發歸人猶自念庭
 闈今我何以慰寂寞登高回首坡隴隔惟見烏帽出
 復沒苦寒念爾衣裘薄獨騎瘦馬踏殘月路人行歌
 居人樂僮僕怪我苦悽惻亦知人生要有別但恐歲
 月去飄忽寒燈相對記疇昔夜雨何時聽蕭瑟君知
 此意不可忘慎勿苦愛高官職

嘗有夜雨對床
之言故云爾



和子由澠池懷舊

人生到處知何似，應似飛鴻踏雪泥。泥上偶然留指
爪，鴻飛那復計東西。老僧已死成新塔，壞壁無由見
舊題。往日崎嶇還記否，路長人困寒驢嘶。

驢至
澠池

次韻和劉京兆石林亭之作石本唐苑中
物散流民間劉購得之

都城日荒廢，往事不可還。惟餘故苑石，漂散尚人間。
公來始購蓄，不憚道里艱。盡從塵埃中，來對冰雪顏。
瘦骨拔凜凜，蒼根漱潺潺。唐人唯竒章，好石古莫攀。

盡令屬牛氏，刺鑿紛班班。嗟此本何常，聚散實循環。
人失亦人得，要不出區寰。君看劉李末，不能保河關。
況此百株石，鴻毛於太山。但當對石飲，萬事付等閑。

壬寅二月有詔令郡史分往屬縣減決

囚禁自十三日受命出府至寶雞號郿蓋
屋四縣既畢事因也朝謁太平宮而宿於
南溪溪堂遂並南山而西至樓觀大秦寺
延生觀仙遊潭十九日迺歸作詩五百言
以記凡所經歷者寄子由

遠人罹水旱 王命釋俘囚分縣傳明詔循山得勝

遊蕭條初出郭曠蕩實消憂薄暮來孤鎮登臨憶武
侯崢嶸依絕壁蒼茫瞰奔派半夜人呼急橫空火氣
浮天遙殊不辨風急已難收曉入陳倉縣猶餘賣酒
樓煙煤已狼籍吏卒尚呀咻十三日宿武城鎮即俗
所築是夜二鼓賣雞火作雞嶺雲霞古龍宮殿宇幽
相去三十里而見於武城嶺雲霞古龍宮殿宇幽
峯龍宮寺南山連大散歸路走吾州欲往安能遂將
還為少留回趨西號道却渡小河洲聞道磻溪石猶
存渭水頭蒼崖雖有迹大釣本無鈎十四日自實雞
有棹竿晚餌雨所著之處東去過郿塢孤城象漢
劉誰言董公健竟復伍孚離白刃俄生肘黃金漫似

丘十五日至郿縣縣有董卓城平生聞太白一見駐

行騶鼓角誰能試風雷果致不巖崖已奇絕冰雪更

凋鏤春早憂無麥山靈喜有湫蛟龍懶方睡餅罐小

容偷是日晚自郿起至青秋鎮宿道過太白山相傳
云軍行鳴鼓角過山下輒致雷雨山上有湫甚

靈以今歲早二曲林泉勝三川氣象侔近山楚麥早

臨水竹篁脩十六日至盤屋以近由地美氣候
殊早縣有官竹園十數里不絕先帝

膺符命行宮畫冕旒侍臣簪武弁女樂抱笙篴祕殿

開金鑊神人控玉蚪黑衣橫巨劔被髮凜雙眸十七

食自盤屋東南行二十餘里朝謁太平宮二聖御

容此宮乃太宗皇帝時有神降於道士張守真以

告受命之符所為立也避迨逢佳士相將弄綵舟投

篙披綠行濯足亂清溝晚宿南谿上森如水國秋遠

湖栽翠密終夜響颼颼是日與監宮張杲之汎冒曉

窮幽邃操戈畏炳彪十八日猶終南而西縣尉以甲

虎尹生猶有宅老氏舊停輶問道遺蹤在登仙往事

悠馭風歸汗漫閱世似蜉蝣羽客知人意瑤琴繫馬

鞦不辭山寺遠來作鹿鳴叻帝子傳聞李巖堂髣像

緜輕風幃幔卷落日髻鬋愁入谷音驚蒙密登坡費

挽樓亂峰嶢似梨一水淡如油中使何年到金龍自

古接千重橫翠石百丈見游儵最愛泉鳴洞初嘗雪

入喉滿餅雖可致洗耳歎無由謂是日遊崇聖觀俗所

完	食	馬	公	谷	深	底	遜	日	郡	甚	培	温	
山脚有授經臺尚在趙宗有范杲之同至大秦寺早	而引乃去又西至延生觀觀後上小山有唐圭真	主僧道之遺迹下山而西行十數里南入黑水谷	中有潭名仙遊潭上有寺三倚峻峯面清溪樹林	翠怪石不可勝數潭水以繩總石數百尺不得其	以瓦磬枝之翔揚徐下食頃乃不見其清激如此	宿於中興寺寺中有五女洞洞中不見其清激如此	以泉二餅歸至忽憶尋蟆培方冬脫鹿裘山川良	又明日乃至府	似水石亦堪儔惟有泉旁飲無人自獻鼎 <small>昔與子</small>	温如二三月中	太白山下早行至橫渠鎮書崇壽院壁	培温如二三月中	温如二三月中

太白山下早行至橫渠鎮書崇壽院壁

馬上續殘夢不知朝日昇亂山橫翠幃落月淡孤燈
奔走煩郵吏安閑媿老僧再遊應眷眷聊亦記吾曾

留題延生觀後山上小堂

溪山愈好意無厭上到嶢嶢第幾尖
深谷野禽毛羽怪上方仙子鬢眉纖
不慙弄玉騎丹鳳應逐常娥駕
老蟾澗草熾花自無主晚來蝴蝶入
疎簾

留題仙遊潭中興寺寺東有玉女洞洞南
有馬融讀書石室過潭而南山石益奇潭
上有橋畏其險不敢渡

清潭百丈皎無泥山木陰陰谷鳥啼
蜀客曾遊明月峽秦人今在武陵溪
獨攀書室窺熾竇還訪仙姝款石
闥猶有愛山心未至不將雙脚踏
飛梯

石鼻城

平時戰國今無在陌上征夫自不閑
北客初來試新險蜀人從此送殘山
獨穿暗月朦朧裏愁渡奔河蒼茫間
漸入西南風景變道邊脩竹水潺潺

礪溪石

墨突不暇黔孔席未嘗暖安知渭上叟
跪石留雙趺一朝嬰世故辛苦平多難
亦欲就安眠旅人譏客嬾

郿塢

水中甲厚行何懼塢裏金多退足憑畢竟
英雄誰得似臍脂自照不須燈

樓觀

秦始皇始立者子廟於觀南晉惠始修此觀

門前古碣卧斜陽閱世如流事可傷長有遊人悲晉
惠強修遺廟學秦皇丹砂久害井水赤白木誰燒厨
竈香聞道神仙亦相過只疑田叟是庚桑

九月二十日微雪懷子由弟二首

岐陽九月天微雪已作蕭條歲暮心短日送寒砧杵
急冷官無事屋廬深愁腸別後能消酒白髮秋來已
上簪近買貂裘堪出塞忽思棄傳問西睪

江上同舟詩滿篋鄭西分馬涕垂膺未成報國慙書
劍豈不懷歸畏友用官舍度秋驚歲晚寺樓見雪與

誰登遙知讀易東窓下車馬敲門定不應

病中聞子由得告不赴商州三首

病中聞汝免來商旅鴈何時更著行遠別不知官爵
好思歸苦覺歲年長著書多暇真良計從官無功漫
去鄉惟有王城最堪隱萬人如海一身藏

近從章子聞渠說苦道商人望汝來說客有靈慙直
道通翁久沒馱凡才夷音僅可通名姓瘦俗無由辨
頭顛答策不堪宜落此上書求免之何哉章子厚也

辭官不出意誰知敢向清時怨位卑萬事悠悠付杯
酒派羊冉冉入雙鬢策曾忤世人嫌汝易可忘憂家

有師此外知心更誰是夢魂相覓苦參差

病中大雪數日未嘗起觀歸令趙薦以詩

相屬戲用其韻答之

經旬卧齋閣終日親劑和去不知雪已深但覺寒無

柰飄蕭窓紙鳴堆壓簷板墮關中皆以板為簷風颭助凝列

幃幔困掀歎惟思近醇釀未敢窺璨瑳何時反炎庶

却欲躬曰磨誰云座無檀尚有裘充貨西隣歌吹發

促席寒威挫崩騰踏成逕繚繞飛入坐人歡瓦先融

飲雋餅屢卧嗟余獨愁寂空室自困珂欲為後日賞

恐被遊塵泥寒更報新霽皎月懸半破有客獨苦吟

清夜默自課詩人例窮蹇秀句出寒餓何當暴雪霜

庶以躡郊賀

歲晚相與餽問為餽歲酒食相邀呼為別

歲至除夜達旦不眠為守歲蜀之風俗如

是余官於岐下歲暮思歸而不可得故為

此三詩寄子由弟

餽歲

農功各已收歲事得相佐為歡恐無見假物不論貨

山川隨出產貧富稱小大寔盤巨鯉橫發籠去雙兔

卧富人事華靡絳繡光翻座貧者愧不能微挈出春

磨官居故人少里巷佳節過亦欲舉鄉風獨倡無人
和

別歲

故人遠千里臨別尚遲遲人行猶可復歲行那可追
問歲安所之遠在天一涯已逐東流水赴海歸無時
東隣酒初熟西舍蔬亦肥且為一日歡慰此窮年悲
勿嗟舊歲別行與新歲辭去去勿回顧還君老與衰

守歲

欲知垂盡歲有似赴壑蛇備鱗半已沒去意誰能遮
况欲繫其尾雖勤知柰何兒童強不睡相守夜謹譚

晨雞且勿唱更鼓畏添過坐久燈燼落起看北斗斜
明年豈無年心事恐蹉跎努力盡今夕少年猶可誇

和子由踏青

春風陌上驚微塵遊人初樂歲華新人闌正好路旁
飲麥短未怕遊車輪城中居人厭城郭喧聞曉出空
四隣歌鼓驚山草木動單瓢散野鳥鳶馴何人聚衆
稱道人遮道賣符色怒瞋宜蠶使汝蠶如甕宜畜使
汝羊如麝路人未必信此語強為買服禳新春道人
得錢徑沽酒醉倒自謂吾符神

和子由蠶市

蜀人衣食常苦艱蜀人遊樂不知還千人耕種萬人
食一年辛苦一春閑閑時尚以蠶為市共忘辛苦逐
欣歡去年霜降斫秋荻今年箔積如連山破馭為輪
土為釜爭買不翅金與紙憶昔與子皆童壯年年廢
書走市觀市人爭誇閩巧智野人喑啞遭欺謾詩來
使我感舊事不悲去國悲流年

和子由苦寒見寄

人生不滿百一別費三年三年吾有幾弃擲理無還
長恐別離中摧我髮與顏念昔喜著書別來不成篇
細思平時樂乃為憂所緣吾從天下士莫如與子歡

羨子久不出讀書蟲生擅丈夫重出處不退要當前
西羌解仇隙猛士憂塞壩廟謀雖不戰虜意久欺天
山西良家子錦緣貂裘鮮千金買戰馬百寶粧刀環
何時逐汝去與虜試周旋

和子由論書

吾雖不善書曉書莫如我苟能通其意常謂不學可
貌妍容有煇璧美何妨精端莊雜流麗剛健含婀娜
好之每目譏不謂子亦頗書成輒弃去終被旁人裹
皆云本閑落結束入細麻子詩亦見推語重未敢荷
邇來又學射力薄愁官寄官箭十二把箭耳多好竟無

成不精安用夥何當盡屏去萬事付懶惰吾聞古書
法守嚴莫如破世俗筆苦驕衆中強鬼賊鍾張忽已
遠此語與時左

記所見開元寺吳道子畫佛滅度以荅子
由

西方真人誰所見衣被七寶從雙後當時脩道頗辛
苦柏生兩肘烏巢有初如濛濛隱山玉漸如濯濯出
水蓮道成一旦就空滅奔會四海悲人天翔禽哀響
動林谷獸鬼躑躅淚迸泉龐眉深目彼誰子逸牀禪
指性自圓隱如寒月墮清晝空有孤光留故壘春遊

古寺拂塵壁遺像久此靈香煙畫師不復寫名姓皆
云道子口所傳從橫固已蔑孫鄧有如巨鱗吞小鮮
來詩所誇孰與此安得攜掛其旁觀

和子由寒食

寒食今年二月晦樹林深翠已生煙遠城駿馬誰能
借到處名園意盡便但挂酒壺那計盃偶題詩句不
須編忽聞帝賜鷲羈於江上何人治廢田

和劉長安題薛周逸老亭周最善飲酒未
七十而致仕

近聞薛公子早退鷲常流買園招野鶴鑿井動潛虬

自言酒中趣一斗勝涼州
翻然拂衣去親愛挽不留
隱居亦何樂素志庶可求
所亡嗟無幾所得不啻酬
青春為君好白日為君悠
山鳥奏琴筑野花弄閑幽
雖辭功與名其樂實素侯
至今清夜夢尚驚冠豎頭
誰能載美酒往以大白浮
之子雖不識因公可與遊

中隱堂詩

并敘

岐山宰王君紳其祖故蜀人也避亂來長安而遂家焉其居第園圃有名長安城中號中隱堂者是也予之長安王君以書戒其子弟邀予遊且乞詩甚勤因為作此五篇

去蜀初逃難遊秦遂不歸園荒喬木老堂在昔人非
鑿石清泉激開門野鶴飛退居吾久念長恐此心違
徑轉如脩蟒坡垂似伏鼈樹從何代有人與此堂高
好古嗟生晚偷閑狀久勞王孫早歸隱塵土汚君袍
二月驚梅晚幽香此地無依依慰遠客皎皎似吳姝
不恨故園隔空嗟芳歲徂春深桃李亂笑汝益羈孤
翠石如鸚鵡何年別海濤貢隨南使遠載墜謂舟偏
已伴喬松老那知故國遷金人解辭漢汝獨不潛然
都城更幾姓到處有殘碑古隧埋蝌蚪崩崖露伏龜
安排壯亭謝收拾費金貲岫嶺何須到韓公浪自悲

鳳翔八觀并敘

鳳翔八觀詩記可觀者八也昔司馬子長登會稽探禹穴不遠千里而李太白亦以七澤之觀至荆州二子蓋悲世悼俗自傷不見古人而欲一觀其遺迹故其勤如此鳳翔當秦蜀之交士大夫之所朝夕往來此八觀者又皆跬步可至而好事者有不能徧觀焉故作詩以告欲觀而不知者

石鼓

冬十二月歲辛丑我初從政見魯叟舊聞石鼓今見之文字鬱律蛟蛇走細觀初以指畫肚欲讀嗟如箱

在口韓公好古生已遲我今况又百年後強尋偏旁

推點畫時得一二遺八九我車既攻馬亦同其魚維

鱣貫之柳其詞云我車既攻我馬既同又云其魚維

不可讀通古器縱橫猶識鼎象星錯落僅名斗模糊

半已似癡眩詰曲猶能辨跟肘娟娟缺月隱雲霧濯

濯嘉禾秀莢莠漂流百戰偶然存獨立千載誰與友

上追軒頡相唯諾下揖冰斯同敲穀憶昔周宣歌鴻

鴈當時籀史變蝌蚪獸亂人方思聖賢中興天為生

蒼者東征徐虜闕虓虎北伏犬戎隨拍嗾象骨雜沓

貢狼鹿方邵聯翩賜圭旨遂因鼓聲思將帥豈為考

擊煩蒙眊何人作頌比崧高萬古斯文齊响嶮勲勞
至大不矜伐文武未遠猶忠厚欲尋年歲無甲乙豈
有名字記誰某自從周衰更七國竟使秦人有九有
掃除詩書誦法律投奔俎豆陳鞭杻當年誰人佐祖
龍上蔡公子牽黃狗登山刻石頌功烈後者無繼前
無偶皆云皇帝巡四國烹滅強暴救黔首六經既已
委灰塵此鼓亦當遭擊剖傳聞九鼎淪泗上欲使萬
夫沉水取暴君縱欲窮人力神物義不汙秦垢是時
石鼓何處避無乃天公令鬼守興亡百變物自閑富
貴一朝名不朽細思物理坐歎息人生安得如汝壽

咀楚文碑秦穆公開元寺之東有數十步則寺道病卒
今蓋在開元寺之東有數十步則寺道病卒
年之故基邪准南王遜於蜀至雍道病卒
則雍非長安
此乃古雍也

崢嶸開元寺髣髴祈年觀舊築掃成空古碑埋不爛
詛書雖可讀字法嗟久換詞云秦嗣王敢使祝用瓚
先君穆公世與楚約相捍質之於巫咸萬葉期不叛
今其後嗣王乃敢構多難刳胎殺無罪親族遭圍絆
計其所稱訴何啻桀紂亂吾聞古秦俗面詐背不汗
豈惟公子邛社鬼亦遭謾遼哉千歲後發我一笑祭

王維吳道子畫

何處訪吳畫普門與開元開元有東塔摩詰留手痕
吾觀畫品中莫如二子尊道子實雄放浩如海波翻
當其下手風雨快筆所未到氣已吞亭亭雙林間彩
暈扶桑暎中有至人談寂滅悟者悲涕迷者手自捫
蠻君鬼伯千萬萬相排競進頭如黿摩詰本詩老佩
芷蘘芳蓀今觀此壁畫亦若其詩清且敦祇園弟子
盡鶴骨心如死灰不復溫門前兩叢竹雪節貫霜根
交柯亂葉動無數一一皆可尋其源吳生雖妙絕猶
以畫工論摩詰得之於象外有如仙翻謝籠樊吾觀
二子皆神俊又於維也斂衽無間言

維摩像唐楊惠之塑在天柱寺

昔者子輿病且死其友子祀往問之躄躄鑿井自嘆
息造物將安以我為今觀古塑維摩像病骨磊嵬如
枯龜乃知至人外生死此身變化浮雲隨世人豈不
碩且好身雖未病心已疲此叟神完中有恃談笑可
却千熊羆當其在時或問法俛首無言心自知至今
遺像兀不語與昔未死無增虧田翁俚婦那肯顧時
有野鼠齧其髮見之使人每自失誰能與結無言師

東湖

吾家蜀江上江水綠如藍爾來走塵土意思殊不堪

况當岐山下風物尤可慙有山秃如赭有水濁如汙
不謂郡城東數步見湖潭入門便清奧恍如夢西南
泉源從高來隨坡走涵涵東去觸重阜盡為湖所貪
但見蒼石螭開口吐清甘借汝腹中過胡為目眈眈
新荷弄晚涼輕棹極幽探飄飄忘遠近偃息遺佩簪
深有龜與魚淺有螺與蚌曝晴復戲雨戢戢多於蠶
浮沉無停餌倏忽遽滿籃絲緡雖強致瑣細安足戡
聞昔周道興翠鳳棲孤嵐飛鳴飲此水照影弄氈氈
此古飲也至今多梧桐合抱如彭聃綵羽無復見上有
鷗搏鷁嗟予生雖晚考古意所攷圖書已漫漶猶復

訪僑郊卷阿詩可繼此意久已含扶風古三輔政事
豈汝諳聊為湖上飲一縱醉後談門前遠行客劫劫
無留驂問胡不回首無乃赴朝參予今正踈懶官長
幸見函不辭日遊再行恐歲滿三暮歸還倒載鍾鼓

已齷齷

音諧

真興寺閣

山川與城郭漠漠同一形市人與鷗鵠浩浩同一聲
此閣幾何高何人之所營側身送落日引手攀飛星
當年王中令斫木南山頽寫真留閣下鐵面眼有稜
身強八九尺與閣兩崢嶸古人雖暴恣作事今世驚

登者尚呀喘作者何以勝曷不觀此閣其人勇且英

李氏園

李氏正園也
為王氏所有

朝遊北城東回首見脩竹下有朱門家破墻圍古屋
舉鞭叩其戶幽響答空谷入門所見夥十步九移目
異花兼四方野鳥喧百族其西引溪水活活轉墻曲
東注入深林林深窓戶綠水光兼竹淨時有獨立鷗
林中百尺松歲久蒼鱗感豈惟此地少意恐關中獨
小橋過南圃夾道多喬木隱如城百雉挺若舟千斛
陰陰日光淡黯黯秋氣蓄盡東為方池野鴈雜家鷺
紅梨驚合抱映島孤雲馥春光水溶漾雪陣風翻撲

其北臨長溪波聲卷平陸北山卧可見蒼翠間繞禿
我時來周覽問此誰所築云昔李將軍負嶮乘哀矧
抽錢筭間口但未摧羨粥當時奪民田失業安敢哭
誰家美園圃籍沒不容贖此亭破千家鬱鬱城之麓
將軍竟何事蟣蝨生刀韜何嘗載美酒來此駐車轂
空使後世人聞名頸猶縮俗猶呼皇后園蓋
茂正謂其妻也我今官
正閑屢至因休沐人生營居止竟為何人卜何當辦
一身永與清景逐

秦穆公墓

秦穆在城東墓在城中無百步乃知昔未有此城秦

人以泉識公墓昔公生不誅孟明豈有死之日而忍
用其良乃知三子徇公意亦如齊之二子從田橫古
人處一飯尚能殺其身今人不復見此等乃以所見
疑古人古人不可望今人益可傷

和子由聞子瞻將知終南太平宮谿堂讀
書

役名則已勤徇身則已踰我誠愚且拙身名兩無謀
始者學書判近亦知問囚但知今當為敢問嚮所由
士方其未得唯以不得憂既得又憂失此心浩難收
譬如倦行客中路逢清流塵埃雖未脫暫憇得一漱

我欲走南澗春禽始嬰吻鞅掌久不決雨來已徂秋
橋山日月迫府縣煩差抽王事誰敢愬民勞吏宜羞
中間罹旱暵欲學喚雨鳩千夫挽一木十步八九休
渭水涸無泥菑堰旋揮脩對之食不飽餘事更違求
近日秋雨足公餘試新芻劬勞幸已過朽鈍不任鈹
秋風迫吹帽西阜可縱遊聊為一日樂慰此百日愁
將往終南和子由見寄

人生百年寄鬢鬚富貴何啻葭中草惟將翰墨留染
濡絕勝醉倒蛾眉扶我今廢學如寒竿久不吹之澀
欲無歲云暮矣嗟幾餘欲往南溪侶禽魚秋風吹雨

涼生膚夜長耿耿添漏壺窮年弄筆衫袖烏古人有
之我願如終朝危坐學僧趺閉門不出閑履是下視
官爵如泥淤嗟我何為久踟躕歲月豈肯為汝居僕
夫起餐秣吾駒

七月二十四日以久不雨出禱磻溪是日
宿虢縣二十五日晚自歸縣渡渭宿於僧
舍曾閣閣故曾氏所建也夜久不寐見壁
有前縣令趙薦留名有懷其人

龕燈明滅欲三更欹枕無人夢自驚深谷留風終夜
響亂山銜月半床明故人漸遠無消息古寺空來看

姓名欲向磻谿問姜叟僕夫屢報斗杓傾

二十六日五更起行至磻溪未明

夜入磻溪如入峽照山炬火落驚猿山頭孤月耿猶
在石上寒波曉更宣至入舊隱白雲合神物已化遺
蹤蛇安得夢隨霹靂駕馬上傾倒天瓢翻

是日自磻溪將往陽平憇於麻田青峰寺
之下院翠麓亭

不到峯前寺空來渭上村此亭聊可喜修徑豈辭捫
谷映朱欄秀山含古木尊路窮驚石斷林缺見河奔
馬困嘶青草僧留薦晚飧我來秋日午旱久石床温

安得雲如蓋能令雨瀉盆共看山下稻涼葉晚翻翻
二十七日自陽平至斜谷宿於南山中磻

龍寺

橫槎晚渡碧澗口騎馬夜入南山谷音谷中暗水響
瀧瀧嶺上疎星明煜煜寺藏巖底千萬仞路轉山腰
三百曲風生飢虎肅空林月黑驚麀窟脩竹入門突
兀見深殿照佛青熒有殘燭媿無酒食待遊人旋斫
杉松煮溪荻板閣獨眠驚柎枕木魚曉動隨僧粥起
觀萬瓦鬱參差目亂千巖散紅綠門前商賈負樹奔
山後咫尺連巴蜀何時歸耕江上田一夜心逐南飛

鷓鴣

是日至下馬磧憩於北山僧舍有閣曰懷
賢南直斜谷西臨五丈原諸葛孔明所從
出師也

南望斜谷口三山如犬牙西觀五丈原鬱屈如長蛇
有懷諸葛公萬騎出漢巴吏士寤如水蕭蕭聞馬過
公才與曹丕豈止十倍加顧瞻三輔間勢若風捲沙
一朝長星墜竟使蜀婦墜山僧豈知此一室老煙霞
往事逐雲散故山依渭斜客來空弔古清淚落悲笳

東坡集卷第一

東坡集卷第二

詩八十二首

和子由記園中草木十一首

煌煌帝王都赫赫走群彥嗟汝獨何為閉門觀物變
微物豈足觀汝獨觀不勸牽牛與葵藜採摘入詩卷
吾聞東山傳置酒攜嫵婉富貴未能忘聲色聊自遣
汝今又不仕時節看瓜蔓懷寶自足珍藝蘭那計晚
吾歸於汝處慎勿差歲晚

荒園無數畝草木動成林春陽一已敷妍醜各自矜
蒲萄雖滿架困倒不能任可憐病石榴花如破紅襟

葵花雖粲粲帶淺不勝簪叢羨晚可喜輕紅隨秋深
物生感時節此理等廢興飄零不自由盛亦非汝能
種栢待其成栢成人亦老不如種叢篁春種秋可倒
陰陽不擇物美惡隨意造栢生何苦艱似亦費天巧
天工巧有幾肯盡為汝耗君看藜與藿生意常草草
萱草雖微花孤秀能自拔亭亭亂葉中一一芳心挿
牽牛獨何畏詰曲自牙蘂走尋荆與榛如有宿昔約
南齋讀書處亂翠曉如潑偏工貯秋雨歲歲壞籬落
蘆筍初似竹稍開葉如蒲方春節抱甲漸老根生鬚
不愛當夏綠愛此及秋枯黃葉倒風雨白花搖江湖

江湖不可到移植苦勤劬安得雙野鴨飛來成畫圖
行樂惜芳晨秋風常苦早誰知念離別喜見秋瓜老
秋瓜感霜霰莖葉颯已槁宦遊歸無時身若馬繫阜
悲鳴念千里耿耿志空抱多憂竟何為使汝玄髮縞
官舍有叢竹結根問囚廳下為人所徑土密不容釘
慙慙戒吏卒挿棘護中庭遶砌忽墳裂走鞭瘦鈴屨
我常攜枕簟來此蔭寒青日暮不能去卧聽窓風冷
芎藭生蜀道白芷來江南漂流到關輔猶不失芳甘
濯濯翠莖滿悒悒清露溼及其未花實可以資筐篋
秋節忽已老苦寒非所堪斲根取其實對此微物慙

自我來關輔南山得再遊山中必有草木媚深幽
 菖蒲人不識生此亂石溝山高霜雪苦苗葉不得抽
 下有千歲根感縮如蟠虬長為鬼神守德薄安敢偷
 我歸自南山山翠猶在目心隨白雲去夢繞山之麓
 汝從何方來笑齒粲如玉探懷出新詩秀語奪山綠
 覺來已茫昧但記說秋菊有如採樵子入洞聽琴筑
 歸來寫遺聲猶勝人間曲八月十二日夜宿府學方
和此詩夢與弟遊南山出

詩數十篇夢中甚愛之及覺
雅記一句云蟋蟀悲秋菊

野菊生秋澗芳心空自知無人驚歲晚唯有暗蛩悲
 花開澗水上花落澗水湄菊葉蛩亦蟄與汝歲相期

楚客方多感秋風詠江蘼落英不滿掬何以慰朝飢

周公廟廟在岐山西北七八里廟後百許

步有泉依山湧冽異常國史所謂潤德泉

世亂則竭者也

吾今那復夢周公尚喜秋來過故宮翠鳳舊依山碑
 兀清泉長與世窮通至今遊客傷離黍故國諸生詠
 雨濛牛酒不來烏鳥散白楊無數暮號風

南溪之南竹林中新構一茆堂予以其所

處最為深邃故名之避世堂

猶恨溪堂淺更穿脩竹林高人不畏虎避世已無心

隱几頽如病忘言兀似瘖茆茨追上古冠蓋謝當今
曉夢緩呼覺秋懷鳥伴吟暫來聊解帶屢去欲攜衾
湖上行人絕塔前暮雪深應逢綠毛叟扣戶夜抽簪
自清平鎮遊樓觀五郡大秦延生仙遊往
反四日得十一詩寄舍弟子由同作
樓觀

鳥噪猿呼晝閉門寂寥誰識古皇尊青牛久已辭轅
輅白鶴時來訪子孫山近朔風吹積雪天寒落日淡
孤村道人應怪遊人衆汲盡塔前井水渾
五郡

古觀正依林麓斷居民來就水泉甘亂谿赴渭爭趨
北飛鳥迎山不復南羽客衣冠朝上象野人香火祝
春蠶汝師豈解言符命山鬼何知託老聃
觀自明皇
時言夢老
子告以享國
長久之意

授經臺

乃南山一峯耳
非復有築處

劍舞有神通草聖海山無事化琴工此臺一覽秦川
小不待傳經意已空

大秦寺

晃蕩平川盡坡陀翠麓橫忽逢孤塔迥獨向亂山明
信足幽尋遠臨風却立驚原田浩如海衮衮盡東傾

仙遊潭

五首潭上有寺三二在潭北循黑

里騎馬而西上為西路至北寺東路皆不可騎馬而西上為西路至北寺東路皆不可

翠壁下無路何年雷雨穿光搖巖上寺深到影中天
我欲然犀看龍應抱寶眠誰能孤石上危坐試僧禪

東去愁攀石西來怯渡橋碧潭如見試白塔苦相招
野餽慙微薄村沽慰寂寥路窮斤斧絕松桂得干霄

唐初傳有此亂後不留碑畏虎關門早無村得米遲

山泉自入甕野桂不勝炊信美那能久應先學恣飢

未應將軍聘初從季直遊絳紗生不識蒼石尚能留

豈害依梁冀何須困李侯吾詩慎勿刻猿鶴為君羞

馬講石室

洞裏吹簫子終年守獨幽石泉為曉鏡山月當簾鉤
歲晚杉楓盡人歸霧雨愁送迎應鄙陋誰繼楚臣謳

玉女洞

愛玉女洞中水既致兩斲恐後復取而為
使者見給因破竹為契使寺僧藏其一以

為往來之信戲謂之調水符

欺謾久成俗關市有契繻誰知南山下取水亦置符
古人辨淄澠較若鶴與鳧吾今既謝此但視符有無
常恐汲水人智出符之餘多防竟無及弃置為長牙
自仙遊回至黑水見居民姚氏山亭高絕
可愛復想其上

山鷓曉辭谷似報遊人起出門猶屢顧慘若去吾里
道途險且迂繼此復能幾溪邊有危構歸駕聊復枕
愛此山中人縹渺如仙子平生慕獨往官爵同一殘
胡為此谿邊眷眷若有埃國恩久未報念此慙且此

臨風浩悲此萬世同一軌何年謝簪紱丹砂留叱咤
南谿有會景亭處衆亭之間無所見甚不
稱其名余欲遷之少西臨斷岸西嚮可以
遠望而力未暇特為製名曰招隱仍為詩
以告來者庶幾遷之

飛簷臨古道高榜勸遊人未即令公隱聊憫濯路塵
茆茨分聚落煙火傍城闌林缺湖光漏國明野意新
居民誰白帽過客謾朱輪山好留歸屐風掃落醉巾
他年誰改築舊製不須因再到吾雖老猶堪作坐賓
凌虛臺

才高多感激道直無往還不如此臺上舉酒邀青山
青山雖云遠似亦識公顏樹騰赴幽賞披豁露天慳
落日銜翠壁暮雲點煙爍浩歌清興發故意未禮刪
是時歲云暮微雪灑袍班吏退迹如掃賓來勇躡攀
臺前飛鴈過臺上彫弓彎聯翩向空墜一笑驚塵闌

竹飈

野人獻竹飈腰腹大如盃自言道旁得採不費置罔
鷓夷讓圓滑混沌慙瘦爽兩牙雖有餘四足僅能髣
逢人自驚蹶悶若兒脫襦念茲微陋質刀几安足枉
就禽太倉卒羞愧不能饗南山有孤熊擇獸行豈掌

漢陂魚

陂在郢縣

霜筠細破為雙掩中有長魚如卧劍紫符穿顛氣慘
悽紅鱗照坐光磨閃攜來雖遠鬣尚動烹不待熟指
先添坐客相看為解顏香粳飽送如填塹早歲嘗為
荆渚客黃魚屢食沙頭店濱江易採不復珍盈尺輒
弃無乃僭自從西征復何有欲致南京差久欠游儵
瑣細空自腥亂骨縱橫動遭砭故人遠餽何以報客
俎久空蕩忽贍東道無辭信使煩西隣幸有庖壘醜

讀道藏

嗟予亦何幸偶此琳宮居宮中復何有戢戢千函書

盛以丹錦囊冒以青霞裾王喬掌關籥蚩尤守其廬
乘閑竊掀攪涉獵豈暇徐至人悟一言道集由中虛
心閑反自照皎皎如芙蓉千載馱世去此言乃遠蔭
人皆忽其身治之用土苴何暇及天下幽憂吾未除
十二月十四日夜微雪明日早往南谿小
酌至晚

南谿得雪真無價走馬來看及未消獨自披榛尋履
迹最先犯曉過朱橋誰憐破屋眠無處坐覺村飢語
不囂惟有暮鷓知客意鷲飛千片落寒條

九月中曾題二小詩於南溪竹上既而忘

之昨日再遊見而錄之

湖上蕭蕭疎雨過山頭靄靄暮雲橫陂塘水落荷將
盡城市人歸虎欲行

誰謂江湖居而為虎豹宅焚山豈不能愛此千竿碧
司竹監燒葦園因名都巡檢柴貽勗左戲
以其徒會獵園下

官園刈葦歲留槎深冬放火如紅霞枯槎燒盡有根
在春雨一洗皆萌芽黃狐老兔最狡捷賣侮百獸常
矜誇年年此厄竟不悟但愛蒙密爭來家風迴焰卷
毛尾熱欲出已被蒼鷹遮野人來言此最樂徒手時

出歸滿車巡邊將軍在近邑呼來颯颯從牙又戍兵
久閑可小試戰鼓雖凍猶堪搨雄心欲搏南澗虎陣
勢頗學常山蛇霜乾火烈聲爆野飛走無路踈且呀
迎人截來春逢箭避火逸去窮投且擊鮮走馬殊未
厭但恐落日催棲鷓弊旗什鼓坐數獲鞍挂雉免肩
分慶主人置酒聚狂客紛紛醉語晚更譁燎毛燔肉
不暇割飲啗直欲追羲媧青丘雲夢古所叱與此何
啻百倍加苦遭諫疏說夷羿又被賦客朝淫奢豈如
閑官走山邑放曠不與趨朝衙農工已畢歲云暮車
騎雖少賓殊佳酒酣上馬去不告獵獵霜風吹帽斜

和子由木山引水二首

蜀江久不見滄浪江上枯槎遠可將去國尚能三犢
載汲泉何愛一夫忙崎嶇好事人應笑冷淡為歡意
自長遙想納涼清夜永窓前微月照汪汪
十年古木卧無梢浪卷沙翻去似瓢幾度過秋生蘚
暈至今流潤應江湖法然疑有蛟龍吐斷處人言霹
靂焦材大古來無適用不須鬱鬱慕山苗

寄題興州晁太守新開古東池

百畝新池傍郭斜居人行樂路人誇自言官長如靈
運能使江山似永嘉縱飲坐中遺白恰幽尋盡處見

出歸滿車巡邊將軍在近邑呼來颯颯從矛又戍兵
久閑可小試戰鼓雖凍猶堪搥雄心欲搏南澗虎陣
勢頗學常山蛇霜乾火烈聲爆野飛走無路踣且呀
迎人截來春逢箭避火逸去窮投置擊鮮走馬殊未
厭但恐落日催棲鷓弊旗什鼓坐數獲鞍挂雉免肩
分廢主人置酒聚狂客紛紛醉語晚更譁燎毛燔肉
不暇割飲啗直欲追羲媧青丘雲夢古所叱與此何
啻百倍加苦遭諫疏說夷羿又被賦客朝淫奢豈如
閑官走山邑放曠不與趨朝衙農工已畢歲云暮車
騎雖少賓殊佳酒酣上馬去不告獵獵霜風吹帽斜

和子由木山引水二首

蜀江久不見滄浪江上枯槎遠可將去國尚能三犢
載汲泉何愛一夫忙崎嶇好事人應笑冷淡為歡意
自長遙想納涼清夜永窓前微月照汪汪
千年古木卧無梢浪卷沙翻去似瓢幾度過秋生蘚
暈至今流潤應江湖法然疑有蛟龍吐斷處人言霹
靂焦材大古來無適用不須鬱鬱慕山苗

寄題興州晁太守新開古東池

百畝新池傍郭斜居人行樂路人誇自言官長如靈
運能使江山似永嘉縱飲坐中遺白恰幽尋盡處見

桃花不堪山鳥啼歸去長遣王孫苦憶家

華陰寄子由

三年無日不思歸夢裏還家旋覺非臘酒送寒催去
國東風吹雪滿征衣三峯已過天浮翠四扇行看日
照麻里堠消磨不禁盡速攜家餉勞驂駝

和董傳留別

麤繒大布裹生涯腹有詩書氣自華厭伴老儒烹瓠
葉強隨舉子踏槐花囊空不辦尋春馬眼亂行看擇
壻車得意猶堪誇世俗詔黃新濕字如鴉

次韻柳子玉見寄

薄雷輕雨曉晴初陌上春泥未濺裾行樂及時雖有
酒出門無侶漫看書遙知寒食催歸騎定把鷓夷載
後車他日見邀須強起不應辭病似相如

送曾子固倅越得燕字

醉翁門下士雜選難為賢曾子獨超軼孤芳陋群妍
昔從南方來與翁兩聯翩翁今自憔悴子去亦宜然
賈誼窮遠楚樂生老思燕那因江鱸美遠厭天庖羶
但苦世論隘聒耳如蜩蟬安得萬頃池養此橫海鱣

王頤赴建州錢監求詩及草書

我昔識子自武功寒廳夜語樽酒同酒闌燭盡語不

盡倦僕立寐僵屏風丁寧勸學不死訣自言親受方
瞳翁嗟余聞道不早悟醉夢顛倒隨盲聾爾來憂患
苦摧剥意思蕭索如霜蓬羨君顏色愈少壯外慕漸
少由中充河車挽水灌腦黑丹砂伏火入頰紅大梁
相逢又東去但道何日辭樊籠未能便乞岫嶁令官
曹似是錫與銅留詩河上慰離別草書未暇緣忽忽

秀州僧本瑩靜照堂

鳥囚不忘飛馬繫常念馳靜中不自勝不若聽所之
君看厭事人無事乃更悲貧賤苦形勞富貴嗟神疲
作堂名靜照此語子謂誰江湖隱淪士豈無適時資

老死不自惜扁舟自娛嬉從之恐莫見况肯後我為
石蒼舒醉墨堂

人生識字憂患始姓名粗記可以休何用草書誇神
懔恍令人愁我嘗好之每自笑君有此病何

年瘳自言其中有至樂適意無異逍遙遊近者作堂
名醉墨如飲美酒銷百憂乃知柳子語不妄病嗜土
炭如珍羞君於此藝亦云至堆墻敗筆如山丘興來
一揮百紙盡駿馬倏忽踏九州我書意造本無法點
畫信手煩推求胡為議論獨見假隻字片紙皆蔽收
不減鍾張君自足下方羅趙我亦優不須臨池更苦

學完取絹素充衾裯

送安博秀才失解西歸

舊書不厭百迴讀熟讀深思子自知他年名宦恐不免今日栖遲那可追我昔家居斷還往著書不復窺園葵竭來東遊慕人爵弃去舊學從兒嬉狂謀謬筭百不遂惟有霜鬢來如期故山松柏皆手種行且拱矣歸何時萬事早知皆有命十年浪走寧非癡與君未可較得失臨別惟有長嗟咨

送任伋通判黃州兼寄其兄致

吾州之豪任公子少年盛壯日千里無媒自進誰識

之有材不用今老矣別來十年學不厭讀破萬卷詩愈美黃州小郡隔谿谷茅屋數家依竹葦知命無憂子何病見賢不薦誰當恥平泉老令更何悲六十青衫貧欲死桐鄉遺老至今泣潁川大姓誰能箠因君寄聲問消息莫對黃鷄矜爪觜

和子由初到陳州見寄二首

次韻

道喪雖云久吾猶及老成如今各衰晚那更治刑名懶惰便樗散踈狂託聖明阿奴須碌碌門戶要全生舊隱三年別杉松好在不吾今尚眷眷此意恐悠悠閉戶時尋夢無人可說愁還來送別處雙淚寄南州

次韻子由綠筠堂

愛竹能延客求詩剗挂墻風梢千蠹亂月影萬夫長
谷鳥驚棊響山蜂識酒香只應陶靜節會聽此幽涼

送劉攽倅海陵

君不見阮嗣宗臧否不挂口莫誇舌在牙齒牢是中
惟可飲醇酒讀書不用多作詩不須工海邊無事日
日醉夢魂不到蓬萊宮秋風昨夜入庭樹尊然未老
君先去君先去幾時迴劉郎應白髮桃花開不開

送錢藻出守婺州得英字

老手便劇郡高懷厭承明聊紆東陽綬一濯滄浪纓

東陽佳山水未到意已清過家父老喜出郭壺漿迎
子行得所願愴悵居者情吾君方急賢日旰坐邇英
黃金招樂毅白璧賜虞卿子不少自貶陳義空崢嶸
古稱為郡樂漸恐煩敲榜臨分敢不盡醉語醒還驚

送呂希道知和州

去年送君守解梁今年送君守歷陽年年送人作太
守坐受塵土堆胸揚君家聯翩三將相富貴未已今
方將鳳雛驥子生有種毛骨往往傳諸郎觀君岷嶓
負竒表便合劍佩趨明光胡為小郡屢奔走征馬未
解風帆張我生本自便江海忍恥未去猶傍徨無言

贈君有長歎美哉河水空洋洋

次韻王誨夜坐

愛君東閣能延客顧我閑官不計負榮杖頻過如未
厭卜居相近豈辭遷莫將詩句驚搖落漸喜罇罍省
撲綠待約月明池上宿夜深同看水中天

送文與可出守陵州

壁上墨君不解語見之尚可消百憂而況我友似君
者素節凜凜欺霜秋清詩健筆何足數道遠齋物追
莊周奪官遣去不自覺曉梳脫髮誰能收江邊亂山
赤如赭陵陽正在千山頭君知遠別懷抱惡時遣墨

君解我愁

送劉道原歸觀南康

晏嬰不滿六尺長高節萬仞陵首陽青衫白髮不自
歎富貴在天那得忙十年閉戶樂幽獨百金購書收
散亡竭來東觀弄丹墨聊借舊史誅姦強孔融不肯
下曹操汲黯本自輕張湯雖無尺箠與寸口吻排
擊含風霜自言靜中閱世俗有似不飲觀酒狂衣巾
狼籍又屢舞旁人大笑供千場交用翩翩去略盡惟
我與子猶傍徨世人共弃君獨厚豈敢自愛恐子傷
朝來告別驚何速歸意已逐征鴻翔匡廬先生古君

子挂冠兩紀鬢未蒼定將文度置膝上喜動隣里烹
猪羊君歸為我道姓名幅巾他日容登堂

出都來陳所乘船上有題小詩八首不知
何人有感於余心者聊為和之

蛙鳴青草泊蟬噪垂楊浦吾行亦偶然及此新過雨
鳥樂忘且享魚樂忘鈎餌何必擇所安滔滔天下是
煙火動村落晨光尚熹微田園處處好淵明胡不歸
我行無疾徐輕楫信溶漾船留村市鬧閭閻寒波漲
舟人苦炎熱宿此喬木灣清月未及上黑雲如顏山
萬竅豨地籟衝風散天池喧唳瞬息間還挂斗與箕

潁水非漢水亦作蒲萄綠恨無襄陽兒今唱銅鞮曲
我詩雖云拙心平聲韻和年來煩惱盡古井無由波

次韻張安道讀杜詩

大雅初微缺派風困暴豪張為詞客賦變作楚臣騷
展轉更崩壞紛綸閱俊髦地偏蕃怪產源失亂狂濤
粉黛迷真色魚鯁易秦牢誰知杜陵傑名與謫仙高
掃地收千軌爭標看兩艘詩人例窮苦天意遣奔逃
塵閣人亡鹿溟翻帝斬鼉艱危思李牧述作謝王褒
失意各千里哀鳴聞九皋騎鯨遁滄海持帚得縹袍
臣筆屠龍手微官似馬曹迂踈無事業醉飽死遊遨

簡牘儀刑在兒童篆刻勞今誰主文字公合把旌旄
開卷遙相憶知音兩不遭般斤思郢質鯁化陋鱗濠
恨我無佳句時蒙致白醪慙慙理黃菊未遣沒蓬蒿

送張安道赴南都留臺

我公古仙伯超然羨門姿偶懷濟物志遂為世所縻
黃龍遊帝郊蕭韶鳳來儀終然反溟極豈復安籠池
出入四十年憂患未嘗辭一言有歸意闔府諫莫移
吾君信英睿搜士及茆茨無人長者側何以安子思
歸來掃一室虛白以自怡遊於物之初世俗安得知
我亦世味薄因循鬢生絲出處良細事從公當有時

傅堯俞濟源草堂

微官共有田園興老罷方尋隱退廬栽種成陰十年
事倉皇求買萬金無先生卜築臨清濟喬木如今似
畫圖鄰里亦知偏愛竹春來相與護龍雛

陸龍圖詵挽詞

挺然直節庇我岷謀道從來不計身屬纊家無十金
產過車巷哭六州民塵埃輦寺三年別罇姐岐陽一
夢新他日思賢見遺像不論宿草更沾巾

成都賢閣畫諸

公像

胡完夫母周夫人挽詞

拍舟高節冠鄉隣絳帳清風聳播紳豈似凡人但慈
母能令孝子作忠臣當年織屨隨方進晚節稱觴見
伯仁回首悲涼便陳迹凱風吹盡棘成新

和柳子玉過陳絕糧

次韻二首

風雨蕭蕭夜晦迷不須鳴叫強知時多才久被天公
怪闕食惟應爨婦知杜叟挽衣那及脛顏翁食粥敢
言炊詩人情味真嘗遍試問於君底事虧
如我自觀猶可厭非君誰復肯相尋圖書跌宕悲年
老燈火青熒語夜深早歲便懷齊物意微官敢有濟
時心南行十里成何事一聽秋濤萬鼓音

潁州初別子由二首

征帆挂西風別淚滴清潁留連知無益惜此須臾景
我生三度別此別尤酸冷念子似元君木訥剛且靜
寡詞真吉人介石乃機警至今天下士去莫如子猛
嗟我久病狂意行無坎并有如醉且墜幸未傷報醒
從今得閑暇默坐消日永作詩解子憂持用日三省
近別不改容遠別涕沾胸咫尺不相見實與千里同
人生無離別誰知恩愛重始我來宛丘牽衣舞兒童
便知有此恨留我過秋風秋風亦已過別恨終無窮
問我何年歸我言歲在東離合既循環憂喜迭相攻

悟此長太息我生如飛蓬多憂髮早白不見六一翁
歐陽少師令賦所蓄石屏
何人遺公石屏風上有水墨希微蹤不畫長林與巨
植獨畫峩眉山西雪嶺上萬歲不長之孤松崖崩澗
絕可望不可到孤煙落日相溟濛含風偃蹇得真態
刺畫始信天有工我恐畢宏韋偃死葬號山下骨可
朽爛心難窮神機巧思無所教化為煙霏淪石中古
來畫師非俗士摹寫物象略與詩人同願公作詩慰
不遇無使二子含憤泣幽宮

陪歐陽公燕西湖

謂公方壯鬚似雪謂公已老先浮頰竭來湖上飲美
酒醉後劇談猶激烈湖邊草木新著霜芙蓉晚菊爭
煌煌插花起舞為公壽公言百歲如風狂赤松共遊
也不惡誰能忍饑啖仙藥已將天壽付天公彼徒幸
苦吾差樂城上烏棲暮靄生銀缸畫燭照湖明不辭
歌詩勸公飲坐無相伊能撫箏

十月二日將至渦口五里所遇風留宿

長淮久無風故意弄清快今朝雪浪滿始覺平野隘
兩山控吾前吞吐久不暈孤舟繫桑本終夜舞澎湃
舟人更傳呼弱纜恃管蒯平生傲憂患久已恬百怪

鬼神欺吾窮戲我聊一噫餅中尚有酒信命誰能戒
出頽口初見淮山是日至壽州

我行日夜向江海楓葉蘆花秋興長平淮忽迷天遠
近青山久與船低昂壽州已見白石塔短棹未轉黃
茅岡波平風軟望不到故人久立煙蒼茫

壽州李定少卿出餞城東龍潭上

山鷓噪處古靈湫亂沫浮涎遠客舟未暇然犀照奇
鬼欲將燒燕出潛蚪使君惜別催歌管村巷攜呼聚
獲惟此地他年頌遺愛觀魚并記老莊周

濠州七絕

塗山下有絲廟山前有禹會村
用鎮支祁水尚渾地理汪罔骨應存樵蘇已入黃能
廟烏鵲猶朝禹會村

彭祖廟有雲母山云彭祖所採服也

跨歷商周看盛衰欲將齒髮鬪蛇龜空餐雲母連山
盡不見蟠桃著子時

逍遙臺莊子祠堂在開元侍郎墓為堂

常怪劉伶死更埋豈伊忘死未忘骸烏鳶奪得與螻
蟻誰信先生無此懷

觀魚臺

欲將同異較錙銖肝膽猶能楚越如若信萬殊歸一
理子今知我我知魚

虞姬墓

帳下佳人拭淚痕門前壯士氣如雲蒼皇不負君王
意只有虞姬與鄭君

四望亭

大和中刺史劉嗣之立亭神以太
賓客分司東都過濠為作記今
存而亭廢
者數年矣

頽垣破礎沒荆故老猶言短李亭敢請使君重起
廢落霞孤鶩換新銘

浮山洞

洞在淮中夏潦不能及而
冬不加高故人疑其浮也

人言洞府是鼇宮升降隨波與海通共坐船中那得
見乾坤浮水水浮空

東坡集卷第二



Large, faint watermark characters, likely '上海' (Shanghai), are visible across the page.

上海圖書館藏
書

